

## КИРИЛЛА ИКИ АСЕМА

Ултал элты асем ипуш туп  
Москва хон вош хося янгхилыйс.  
Ляль юпина си янгхапал ус,  
Выставкана си лунг уллилыяс.

Потарн дэлтам ухлат ёхи тус,  
Ёхатгтя месас каман тылась?!  
Мурем хотал пела юшал ус,  
Матты вусь хул иты хунгхилыяс.

Потартас лув машинаят сирн,  
Матты хомпат иты, сита селтэл.  
Вош улапса, мурал улты сир  
Ованг Асна, ат воляман, тэмстал.

Лапат элты вантам мутрайл лув,  
Таям рутал век ат вантылымал.  
Ястылыяс: "Симась вош юр муйн  
Ил паятла муйна ула дылал?"

Арталаты хув ат месас ин,  
Нялмал, месанг, сорты кум ат шитас.  
Тыям лялен  
Похал  
ёлта тус...  
Таллал кеман лув туп си ат дикмас.

Хув ат улман, атам айкел- туй  
Самал хося пелас куртна олнга.  
Хон вош пунгалн  
оланг похал- луйл  
Дылал уям лялен каврам нёлна.

Си порана турал элты лув  
Яснгат, матты кев шуп иты, рыйсат:  
- Симась хорам вошен сюнянг муви  
Юрал ат хун тармал мосты сысан?

Сялта, еша рахаптыман, лув  
Волянгашак еллы туслы яснгал:  
- Век ат пурмал воша непяят кур,  
Хун лув юр па симась похат таял...